

Z A K O N
O IZMJENAMA I DOPUNAMA
ZAKONA O POLICIJSKIM SLUŽBENICIMA
SREDNJOBOSANSKOG KANTONA¹

DIO PRVI – IZMJENE I DOPUNE

Član 1.

(Izmjena i dopuna člana)

U Zakonu o policijskim službenicima Srednjobosanskog kantona („Službene novine Srednjobosanskog kantona“ broj: 12/06, 1/08, 12/09 i 9/18) u stavu (3) člana 5. prva rečenica mijenja se i glasi: „Vezano za izgled, dijelove, boju i oznake policijske uniforme primjenjuje se propis o jedinstvenoj policijskoj uniformi u Federaciji Bosne i Hercegovine, koji donosi Vlada Federacije Bosne i Hercegovine, kao i drugi važeći propisi.“.

Iza stava (4) dodaje se novi stav (5) koji glasi:

„(5) Osim oznaka policijskih uniformi propisanih Uredbom o jedinstvenoj policijskoj uniformi policijskih snaga u Federaciji Bosne i Hercegovine na uniformi policijskog službenika na lijevom rukavu nalazit će se i oznaka – grb Srednjobosanskog kantona.“

Član 2.

(Dopuna člana)

U stavu (1) člana 11. Zakona iza tačke f) dodaje se nova tačka g) koja glasi:

„g) koja bez opravdanog razloga prikuplja podatke o šticienom licu, objektu ili prostoru u kojem se šticieno lice nalazi.“.

Član 3.

(Dopuna člana)

U stavu (1) člana 13. Zakona iza riječi: „kriminalističke tehnike“ dodaju se riječi: „, uvidom u Civilni registar Agencije za identifikaciju dokumenata, te drugim odgovarajućim metodama i sredstvima“.

Član 4.

(Dopune članova)

U stavu (3) člana 15. Zakona iza riječi: „,i razlog pozivanja“ dodaju se riječi: „,i u kom svojstvu se poziva.“.

Iza stava (5) dodaje se novi stav (6) koji glasi:

„(6) Izuzetno od odredbe stava (1) ovog člana, policijski službenik može obavljati službeni razgovor i prikupljati obavještenja od građana na radnom mjestu, drugom pogodnom mjestu, a uz pristanak građanina i u objektu njegovog stanovanja.“.

Član 5.

(Dopune članova)

U stavu (1) člana 16. Zakona iza tačke c) dodaje se tačka d) koja glasi:

„d) lice za koje postoji osnovana sumnja da čini ili je počinilo krivično djelo, koje narušava ili ugrožava javni red i mir ili ugrožava bezbjednost saobraćaja, ako se uspostavljanje javnog reda i mira ili otklanjanje ugrožavanja ne može postići na drugi način.“.

U stavu (2) iza riječi: „,a najduže šest sati“ dodaju se riječi: „,od momenta privođenja ukoliko to drugim propisom nije drugačije određeno“.

Član 6.

(Dopuna člana)

U stavu (1) člana 18. Zakona iza riječi: „,ugrožavanje javnog reda i sigurnosti“ dodaju se riječi: „,ili osiguranje šticienih lica, objekata ili prostora“.

Član 7.

(Izmjena člana)

U članu 34. Zakona stav (1) mijenja se i glasi:

„(1) Policijski organ, u okviru svojih nadležnosti i ovlaštenja, vodi sljedeće evidencije i registre:

a) Evidencija o licima koja su lišena slobode,

¹ Objavljen u „Službenim novinama Srednjobosanskog kantona“, broj: 7/24 od 14. juna 2024.

- b) Evidencija o krivičnim djelima učinjenim od strane nepoznatih izvršilaca,
- c) Evidencija o licima za koje postoje osnovane sumnje da su učinile krivična djela,
- d) Evidencija o licima oštećenim krivičnim djelima,
- e) Evidencija podnesenih izvještaja o počinjenim krivičnim djelima,
- f) Evidencija izdatih prekršajnih naloga,
- g) Evidencija prekršajnih prijava,
- h) Evidencija o licima i predmetima za kojima se traga,
- i) Registar potjernica,
- j) Evidencija o provjeri identiteta,
- k) Evidencija o licima kojima je utvrđen identitet,
- l) Evidencija događaja,
- m) Evidencija upotrebe sile,
- n) Evidencija predstavki,
- o) Evidencija internih postupaka,
- p) Registar dovedenih lica,
- r) Registar privedenih lica,
- s) Evidencija uručenih poziva,
- t) Evidencija daktiloskopskog vještačenja,
- u) Evidencija sinjaletički obrađenih lica,
- v) Evidencija poligrafskih ispitivanja,
- z) Evidencija privremeno oduzetih predmeta,
- aa) Evidencija videonadzora,
- bb) Evidencija javljanja osuđenih lica koje koriste vanzavodske pogodnosti,
- cc) Evidencija napada na ovlaštena službena lica,
- dd) Evidencija o asistencijama i intervencijama,
- ee) Evidencija lica kojima je izrečena zaštitna mjera zabrane pristupa određenim sportskim priredbama,
- ff) Upisnik saobraćajnih nezgoda,
- gg) Evidencija isključenih vozila iz saobraćaja,
- hh) Evidencija isključenih vozača iz saobraćaja,
- ii) Evidencija automatskog sistema za identifikaciju otisaka prstiju i dlanova – AFIS,
- jj) Evidencija o pristupu bazi ličnih podataka Agencije za identifikacione dokumente, evidenciju i razmjenu podataka Bosne i Hercegovine
- kk) Evidencija naplaćenih novčanih kazni licima koja nemaju prebivalište u Bosni i Hercegovini.“.

Član 8.

(Izmjena i dopuna člana)

U članu 36. Zakona stav (5) mijenja se i glasi:

„(5) Policijski službenik pridržavat će se zakonito izdatih naredbi po hijerarhijskoj liniji rukovođenja, kao i svih drugih dužnosti propisanih ovim Zakonom i podzakonskim aktima.“.

Iza stava (6) dodaju se novi stav (7) te stavovi (8) i (9), koji glase:

„(7) Policijski službenik u vršenju svojih zadataka rukovodit će se principima utvrđenim u Etičkom kodeksu policijskih službenika te propisom o ponašanju i međusobnim odnosima policijskih službenika, koje donosi ministar.

(8) Policijski službenik dužan je poslove i zadatke provođenja zakona, zaštite života i lične sigurnosti građana, sprečavanja izvršenja krivičnog djela i hvatanja počinioca krivičnog djela, kao i poslove i zadatke održavanja javnog reda i mira vršiti u svakoj prilici bez obzira na to nalazi li se na službenoj dužnosti i da li mu je to posebno stavljeno u zadatak.

(9) U slučaju preduzimanja mjera i radnji iz stava (8) ovog člana policijskom službeniku pripadaju sva prava i ovlaštenja policijskog službenika koji se nalazi na službenoj dužnosti.“.

Dosadašnji stav (7) postaje stav (10).

Član 9.

(Izmjena člana)

U stavu (1) člana 38. Zakona tačka b) mijenja se i glasi:

„b) ne može obavljati nikakvu dodatnu aktivnost uz naknadu, osim naučnog i pedagoškog rada, rada u umjetničkim, sportskim, humanitarnim i drugim organizacijama čija djelatnost nije u sukobu s interesima službe, uz prethodno odobrenje policijskog komesara.“.

Član 10.

(Dopuna novim članom)

Iza člana 40. Zakona dodaje se novi član 40a. koji glasi:

„Član 40a.

(Psihološka pomoć)

„(1) Policijskom službeniku koji je u obavljanju policijskih poslova ili povodom obavljanja policijskih poslova, posredno ili neposredno učestvovao u traumatskom događaju ili drugoj visokostresnoj i kriznoj situaciji, pružit će se psihološka pomoć, u skladu s pravilnikom kojim se uređuje psihosocijalna zaštita policijskih službenika Ministarstva.

(2) Pravo na psihološku pomoć može se omogućiti i članovima porodice lica iz stava (1) ovoga člana.

(3) Policijskog službenika koji odbije psihološku pomoć može se uputiti na vanredni zdravstveni pregled.

(4) Mjerila i način postupanja u pružanju psihološke pomoći utvrđuju se pravilnikom iz stava (1) ovoga člana koji donosi ministar na prijedlog policijskog komesara.“.

Član 11.

(Dopuna člana)

U stavu (1) člana 42. Zakona, u tački b) iza riječi: „s najmanje VI stepenom školske spreme“ dodaju se riječi: „ili najmanje završenim prvim ciklusom visokog obrazovanja s ostvarenih najmanje 180 ECTS studijskih bodova“.

Član 12.

(Dopuna člana)

U tački c) člana 46. Zakona iza riječi: „a najmanje VI stepen školske spreme“ dodaju se riječi: „ili najmanje završen prvi ciklus visokog obrazovanja s ostvarenih najmanje 180 ECTS studijskih bodova“.

Tačka g) briše se.

Član 13.

(Izmjena člana)

U članu 59. Zakona stav (1) mijenja se i glasi:

„(1) Kandidati za mjesto policijskog komesara moraju imati najmanje VII stepen školske spreme ili najmanje završen prvi ciklus visokog obrazovanja s ostvarenih 240 ECTS studijskih bodova i čin glavni inspektor ili viši čin.“.

Član 14.

(Izmjene člana)

U članu 64. Zakona stavovi (2) i (3) mijenjaju se i glase:

„(2) Premještanje na drugu lokaciju iz stava (1) ovog člana koja je 70 ili više kilometara udaljena od njegovog sadašnjeg radnog mjesta može se obaviti samo uz saglasnost policijskog službenika.

(3) Izuzetno od stava (2) ovog člana, policijski komesar može naredbom interno premjestiti policijskog službenika i bez njegove saglasnosti, ako je to u interesu policijskog organa.“.

U stavu (4) broj i riječi: „(2) tački b)“ zamjenjuju se brojem „(3)“.

Član 15.

(Dopune člana)

U stavu (1) člana 65. Zakona iza riječi: „ili ured u Bosni i Hercegovini,“ dodaju se riječi: „kao i iz drugog organa u upravu policije“.

Iza stava (4) dodaje se novi stav (5) koji glasi:

„(5) Izuzetno, policijski službenik može biti trajno eksterno premješten u drugi policijski organ u Bosni i Hercegovini, kao i iz drugog organa u upravu policije na upražnjeno radno mjesto u okviru istog čina, na lični zahtjev policijskog službenika i uz pisani sporazum policijskih organa pod uslovom:

a) da ima najviše čin viši inspektor,

b) da je bio ocijenjen ocjenom "dobar" ili višom ocjenom za svoj rad u posljednje dvije godine za koje je policijski službenik bio ocijenjen.“.

Član 16.

(Dopuna novim članovima)

Iza člana 66. Zakona dodaju se novi članovi 66a. i 66b. koji glase:

„Član 66a.

(Otkomanda)

U slučaju potreba službe, kao i u izuzetnim situacijama (ugrožena sigurnosna situacija, povećan obim poslova, proglašenje stanja prirodne ili druge nesreće i drugi opravdani razlozi u interesu policijskog organa), kako bi se osiguralo nesmetano obavljanje poslova i zadataka iz nadležnosti policijskog organa, policijski komesar može depešom uputiti policijskog službenika na otkomandu radi obavljanja poslova i zadataka drugog radnog mjesta u skladu s njegovim činom.

Član 66b.

(Raspoređivanje na radno mjesto za koje je propisan neposredno viši čin)

(1) Policijski komesar može kada potreba službe zahtijeva rasporediti policijskog službenika, uz njegovu saglasnost, na radno mjesto za koje je propisan neposredno viši čin od onog koji službenik ima.

(2) Raspoređivanje iz stava (1) ovoga člana može trajati sve dok je upražnjeno radno mjesto na koje se privremeno raspoređuje policijski službenik.

(3) Za vrijeme raspoređivanja iz stava (1) ovog člana policijski službenik zadržava svoj čin, platu, povećanje i naknade u skladu sa zakonom, te razliku plate za neposredno viši čin na koji je privremeno raspoređen.

(4) Po prestanku razloga za raspoređivanje na radno mjesto za koje je propisan neposredno viši čin policijski službenik se raspoređuje na upražnjeno radno mjesto u skladu s njegovim činom.“.

Član 17.

(Izmjena člana)

Član 68. Zakona mijenja se i glasi:

„Član 68.

(Prekobrajnost policijskih službenika)

(1) Prekobrajnost policijskih službenika nastaje u slučajevima:

a) smanjenja obima posla policijskog organa,

b) reorganizacije policijskog organa,

c) kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa zakonom koji reguliše oblast zaštite tajnih podataka.

(2) Policijski komesar može rješenjem proglasiti policijskog službenika prekobrajnim u slučajevima iz stava (1) ovog člana samo onda kada taj policijski službenik ne može biti interno premješten prema članu 64. ovog Zakona.

(3) Policijski službenik koji je proglašen prekobrajnim može biti premješten unutar policijskog organa uz vlastiti pristanak i na upražnjeno radno mjesto za koje je predviđen niži čin.

(4) Policijski službenik može podnijeti žalbu policijskom odboru iz člana 124. ovog Zakona u roku od osam dana od dana prijema rješenja o prekobrajnosti.

(5) Vlada Kantona podzakonskim aktom utvrdit će proceduru koja se mora slijediti u slučaju prekobrajnosti policijskih službenika.“.

Član 18.

(Dopuna člana)

U stavu (2) člana 70. Zakona iza riječi: „s najmanje VI stepenom školske spreme“ dodaju se riječi: „ili najmanje završenim prvim ciklusom visokog obrazovanja, s ostvarenih najmanje 180 ECTS studijskih bodova“.

Član 19.

(Dopuna člana)

U članu 71. Zakona iza stava (3) dodaje se stav (4) koji glasi:

„(4) Izuzetno, ako ne postoji upražnjeno radno mjesto koje odgovara činu glavni inspektor, policijski komesar po prestanku mandata može biti privremeno raspoređen i na radno mjesto za koje je propisan čin samostalni inspektor, uz zadržavanje svih prava koja pripadaju činu glavni inspektor, dok ne bude upražnjeno radno mjesto u njegovom činu.“.

Član 20.

(Izmjena i dopuna člana)

U stavu (1) člana 72. Zakona broj „(3)“ zamjenjuje se brojem „(2)“, a iza riječi: „ili nakon prestanka radnog odnosa u skladu s ovim Zakonom“ dodaju se riječi: „ili u skladu s pravosnažnom odlukom nadležnog suda, odnosno nakon prestanka obavljanja poslova i zadataka koje obavljaju policijski službenici.“.

Iza stava (2) dodaje se stav (3) koji glasi:

„(3) Izuzetno od stava (1) ovoga člana, čin koji je policijski službenik imao na njegov pisani zahtjev može mu se oduzeti radi raspoređivanja na radno mjesto s nižim činom u skladu sa stavom (3) člana 68. ovog Zakona.“.

Član 21.

(Izmjena i dopuna člana)

U članu 73. Zakona stav (2) mijenja se i glasi:

„(2) Rameni prišivak iz stava (1) ovog člana odgovara, odnosno identičan je, osnovnoj boji policijske uniforme koju nosi policijski službenik, a širok je 45 mm i dug 100 mm.“.

Iza stava (2) dodaje se stav (3) koji glasi:

„(3) Činovi na uniformi policijskih službenika Kantona mogu se, osim kao rameni prišivak, nositi i na grudima (prednjem dijelu gornjih dijelova uniforme).“.

Član 22.

(Dopuna člana)

U stavu (2) člana 74. Zakona iza riječi: „prijave za unapređenje“ dodaju se riječi: „ili koji su predloženi za posebno unapređenje“.

Član 23.

(Izmjena člana)

U stavu (2) člana 75. Zakona tačka b) i stavovi (3) i (4) mijenjaju se i glase:

„b) da je bio ocijenjen ocjenom "dobar" ili višom ocjenom za svoj rad u posljednje tri godine za koje je policijski službenik bio ocijenjen,“.

„3) Policijski službenik koji se prijavljuje za unapređenje iz čina stariji narednik, odnosno u skladu sa stavom (3) člana 74. ovog Zakona u čin mlađi inspektor, mora imati najmanje VI stepen stručne spreme ili najmanje završen prvi ciklus visokog obrazovanja s ostvarenih najmanje 180 ECTS studijskih bodova.

(4) Policijski službenik koji se prijavljuje za unapređenje iz čina mlađi inspektor u čin inspektor, iz čina inspektor u čin viši inspektor, iz čina viši inspektor u čin samostalni inspektor mora imati najmanje VI stepen stručne spreme ili najmanje završen prvi ciklus visokog obrazovanja s ostvarenih najmanje 180 ECTS studijskih bodova. Policijski službenik koji se prijavljuje za unapređenje iz čina samostalni inspektor u čin glavni inspektor mora imati najmanje VII stepen stručne spreme ili najmanje završen prvi ciklus visokog obrazovanja s ostvarenih najmanje 240 ECTS studijskih bodova.“.

Član 24.

(Izmjene člana)

U članu 76. Zakona stavovi (1) i (4) mijenjaju se i glase:

„(1) Najkraće vrijeme provedeno u prethodnom činu koje je potrebno da bi policijski službenik ispunio kriterije za unapređenje iz tačke a) stava (2) člana 75. ovog Zakona jeste:

a) za unapređenje iz čina policajac u čin stariji policajac, za unapređenje iz čina stariji policajac u čin narednik, te iz čina narednik u čin stariji narednik – tri godine u svakom činu,

b) za unapređenje iz čina mlađi inspektor u čin inspektor – dvije godine,

c) za unapređenje iz čina inspektor u čin viši inspektor – dvije godine,

d) za unapređenje iz čina viši inspektor u čin samostalni inspektor – dvije godine,

e) za unapređenje iz čina samostalni inspektor u čin glavni inspektor – dvije godine.“

„(4) Vrijeme koje je policijski službenik proveo raspoređen na radno mjesto za koje je propisan niži čin, odnosno neposredno viši čin, u skladu s članovima 66b. i 67. ovog Zakona, smatra se vremenom koje je proveo u svom činu.“.

Član 25.

(Izmjena člana)

U članu 77. Zakona stav (6) mijenja se i glasi:

„(6) Za policijske službenike koji ne moraju pristupiti internim ispitima iz stava (2) člana 74. ovog Zakona, kao indikator za unapređenje uzimaju se ocjene rada i drugi kriteriji koji će detaljno biti određeni propisom o proceduri za unapređenje iz stava (1) člana 74. ovoga Zakona.“.

Član 26.

(Izmjene člana)

U stavu (1) člana 78. Zakona riječi: „i značajno doprinomio povećanju sigurnosti u Bosni i Hercegovini i sigurnosti njenih građana“ brišu se.

U stavu (3) riječi: „viši inspektor“ zamjenjuju se riječima: „samostalni inspektor“.

Član 27.

(Izmjena i dopuna člana)

U članu 97. Zakona iza riječi: „Zakon o radu“ dodaju se riječi: „Federacije Bosne i Hercegovine“, a riječi: „(„Službene novine Federacije Bosne i Hercegovine“, broj: 43/99, 32/2000 i 29/03)“ brišu se.

Član 28.

(Izmjene člana)

U stavu (1) člana 101. Zakona riječi: „zavisno od dužine radnog iskustva“ brišu se.

Stav (2) mijenja se i glasi:

„(2) Polazni osnov za utvrđivanje trajanja godišnjeg odmora (najmanji broj radnih dana) iz stava (1) ovog člana, za policijske službenike uvećava se prema sljedećim osnovama i kriterijima:

a) na osnovu stručne spreme:

- 1) policijskom službeniku na radnom mjestu s predviđenom VSS / VŠS, odnosno završenim prvim ciklusom visokog obrazovanja sa ostvarenih 180 ili 240 ECTS studijskih bodova – 4 radna dana,
- 2) policijskom službeniku na radnom mjestu sa predviđenom SSS – 3 radna dana,

b) na osnovu radnog staža:

- 1) za ostvoreni radni staž od 3 do 5 godina – 2 radna dana,
- 2) za ostvoreni radni staž od 5 do 7 godina – 4 radna dana,
- 3) za ostvoreni radni staž od 7 do 10 godina – 5 radnih dana,
- 4) za ostvoreni radni staž od 10 do 12 godina – 6 radnih dana,
- 5) za ostvoreni radni staž od 12 do 15 godina – 7 radnih dana,
- 6) za ostvoreni radni staž od 15 do 20 godina – 9 radnih dana,
- 7) za ostvoreni radni staž od 20 do 25 godina – 11 radnih dana,
- 8) za ostvoreni radni staž preko 25 godina – 12 radnih dana;

c) na osnovu zdravstvenog i socijalnog stanja i drugih uslova u kojima službenik živi i radi:

- 1) roditelju ili staraocu s djetetom u dobi do 7 godina, za svako dijete – 1 radni dan,
- 2) roditelju ili staraocu s hendikepiranim djetetom – 2 radna dana,
- 3) samohranom roditelju ili staraocu – 2 radna dana,
- 4) zaposlenom invalidu (invalidu rada ili ratnom vojnom invalidu) – 3 radna dana.“.

Član 29.

(Izmjena člana)

U članu 102. Zakona stav (1) mijenja se i glasi:

„(1) Policijski službenik ima pravo na odsustvo uz naknadu plate (plaćeno odsustvo) u trajanju do sedam radnih dana u jednoj kalendarskoj godini, u sljedećim slučajevima:

- a) smrt člana uže porodice – do 5 radnih dana,
- b) njegovanje člana uže porodice – do 3 radna dana,
- c) rođenje djeteta – do 3 radna dana,
- d) sklapanje braka – do 5 radnih dana,
- e) selidba – do 2 radna dana,
- f) učestvovanje na kulturno-umjetničkim i naučnim skupovima, manifestacijama, te sportskim priredbama i takmičenjima – do 5 radnih dana,
- g) elementarne nepogode koja je neposredno zadesila zaposlenika – do 5 radnih dana,
- h) za pripremanje i polaganje ispita koji predstavljaju uslov za regulisanje radno-pravnog statusa – do 5 radnih dana,
- i) za dobrovoljno davanje krvi – 1 radni dan,
- j) u drugim opravdanim slučajevima – do 3 radna dana.“.

Član 30.

(Izmjena člana)

U članu 107. Zakona stav (2) mijenja se i glasi:

„(2) Teže povrede službene dužnosti iz stava (1) ovog člana stepenuju se bodovima na sljedeći način:

- a) povrede službene dužnosti iz tačaka od a) do d) – pet bodova,
- b) povrede službene dužnosti iz tačaka od e) do j) – 10 bodova,
- c) povrede službene dužnosti iz tačaka od k) do l) – 15 bodova,
- d) povrede službene dužnosti iz tačaka m) do nj) – 20 bodova,
- e) povrede službene dužnosti iz tačaka od o) do s) – 25 bodova,
- f) povrede službene dužnosti iz tačaka od š) do z) – 30 bodova.“.

Član 31.

(Izmjene člana)

U stavu (3) člana 108. Zakona riječi: „u roku od 24 sata.“ zamjenjuju se riječima: „u što kraćem roku, a najkasnije sedam dana od dana prijema informacije ili pritužbe na policijskog službenika.“.

Stavovi (4) i (5) mijenjaju se i glase:

„(4) Interni postupak za lakše povrede službene dužnosti mora se završiti u roku od tri mjeseca od dana prijavljivanja organizacijskoj jedinici nadležnoj za unutrašnju kontrolu, a može se produžiti za još dva mjeseca, u zavisnosti od složenosti i vremena saznanja ili prijavljivanja slučaja.

(5) Interni postupak za teže povrede službene dužnosti mora se završiti u roku od tri mjeseca od dana prijavljivanja organizacijskoj jedinici nadležnoj za unutrašnju kontrolu, a može se produžiti za još tri mjeseca, u zavisnosti od složenosti i vremena saznanja ili prijavljivanja slučaja.“.

Član 32.

(Izmjene člana)

U članu 112. Zakona stav (3) mijenja se i glasi:

„(3) Novčana kazna za teže povrede službene dužnosti te prestanak radnog odnosa izriču se prema sljedećoj tabeli:

Bodovi	Minimalna mjera, zasnovana na postotku osnovne jednomjesečne plate	Maksimalna mjera, zasnovana na postotku osnovne jednomjesečne plate
Od 5 do 9	kazna od 20 % za 1 mjesec	kazna od 20 % za 3 mjeseca
Od 10 do 14	kazna od 15 % za 2 mjeseca	kazna od 20 % za 4 mjeseca
Od 15 do 19	kazna od 20 % za 2 mjeseca	kazna od 30 % za 5 mjeseci
Od 20 do 24	kazna od 15 % za 3 mjeseca	kazna od 30 % za 6 mjeseci
Od 25 i više	kazna od 20% za 3 mjeseca	prestanak radnog odnosa“

U stavu (6) riječi i broj: „množe faktorom 0,2“ brišu se.

U stavu (8) riječi: „od 1“ zamjenjuju se riječima: „od t“.

U stavu (9) broj „60“ zamjenjuju se brojem „65“.

Stav (10) briše se.

Dosadašnji stav (11) postaje stav (10).

Član 33.

(Dopuna člana)

U članu 114. Zakona iza stava (6) dodaju se novi stavovi (7), (8), (9) i (10) koji glase:

„(7) Izvršenje odluke o suspenziji ne odgađa se ako se policijski službenik nalazi na bolovanju ili je odsutan sa rada po bilo kojem drugom osnovu.

(8) Policijski službenik može biti odgovoran za odgovarajuće povrede službene dužnosti i tokom suspenzije.

(9) Radno mjesto sa kojeg je suspendovan policijski službenik može se putem internog premještaja u interesu policijskog organa popuniti drugim policijskim službenikom.

(10) Po prestanku razloga za suspenziju policijskom službeniku se rješenjem ukida suspenzija i isti se raspoređuje na upražnjeno radno mjesto u skladu s njegovim činom.“.

Član 34.

(Izmjene i dopuna člana)

U stavu (1) člana 116. Zakona broj i riječi „60 dana“ zamjenjuju se riječima: „šest mjeseci“.

U stavu (2) iza riječi : „interni postupak i „dodaje se riječ: „prvostepeni“, a riječi: „devet mjeseci“ zamjenjuju se brojem i riječju „13 mjeseci“.

Član 35.

(Izmjene i dopuna člana)

U članu 117. Zakona stavovi (1), (2) i (4) mijenjaju se i glase:

„(1) Pokretanje i vođenje postupka zbog lakše povrede službene dužnosti zastarijeva u roku od šest mjeseci od dana saznanja za izvršenu povredu službene dužnosti i učinioca, a najduže u roku od godinu dana od dana izvršenja povrede, osim u slučaju kada disciplinska komisija nakon provedenog disciplinskog postupka utvrdi da se radi o lakšoj povredi službene dužnosti.

(2) Pokretanje i vođenje postupka zbog teže povrede službene dužnosti i u slučaju kada disciplinska komisija nakon provedenog disciplinskog postupka utvrdi da se radi o lakšoj povredi službene dužnosti, zastarijeva u roku od godinu dana od dana saznanja za izvršenu povredu i učinioca, a najduže u roku od dvije godine od dana izvršenja povrede. U slučajevima težih povreda službene dužnosti koje imaju obilježja korupcije, zastara pokretanja i vođenja postupka nastupa u roku od četiri godine od dana izvršenja povrede.“.

„(4) U pogledu prekida zastare pokretanja i vođenja postupka, odnosno izvršenja odgovarajuće primjenjuju se odredbe o prekidi zastare pokretanja i vođenja, odnosno izvršenja utvrđene Krivičnim zakonom Federacije Bosne i Hercegovine.“

Iza stava (4) dodaje se novi stav (5) koji glasi:

„(5) Izuzetno u slučajevima iz stava (3) člana 116. ovog zakona rokovi zastare ne teku.“

Dosadašnji stavovi (5) i (6) postaju stavovi (6) i (7).

Član 36.

(Izmjena člana)

U članu 122. Zakona stav (1) mijenja se i glasi:

„(1) Radni odnos policijskog službenika prestaje u sljedećim uslovima:

- a) kada policijski službenik svojevóljno da otkaz; svojevóljnim davanjem otkaza smatra se i neopravdan nedolazak na posao pet dana uzastopno i duže,
- b) sporazumnim prestankom radnog odnosa,
- c) kada policijski službenik dobije ocjenu rada "ne zadovoljava" na kraju probnog rada,
- d) kada navrší 65 godina života i najmanje 15 godina staža osiguranja, odnosno najmanje 20 godina penzijskog staža ili kada navrší 40 godina staža osiguranja bez obzira na godine života,
- e) kada nadležni organ penzijskog i invalidskog osiguranja utvrdi pravosnažnim, odnosno konačnim rješenjem pravo na invalidsku penziju zbog gubitka radne sposobnosti,
- f) kada dva puta uzastopno dobije negativnu ocjenu za rad,
- g) gubitkom državljanstva Bosne i Hercegovine,
- h) zbog prekobrojnosti policijskih službenika,
- i) ako je policijskom službeniku izrečena pravosnažna kazna zatvora u trajanju od šest mjeseci ili strožija kazna zbog počinjenog krivičnog djela,
- j) kada je policijskom službeniku izrečena pravosnažna disciplinska sankcija prestanka radnog odnosa zbog povrede službene dužnosti,
- k) smrt policijskog službenika,
- l) kada se prijavi kao kandidat za izbornu javnu funkciju ili od trenutka kada je imenovan na položaj unutar bilo kojeg organa vlasti u Bosni i Hercegovini, a nije dao ostavku,
- m) kada je konačnom odlukom nadležnog organa utvrđeno postojanje sigurnosne smetnje za pristup tajnim podacima u skladu sa Zakonom o zaštiti tajnih podataka, a nakon što rješenje o prekobrojnosti postane konačno.“

Član 37.

(Dopuna člana)

U stavu (4) člana 135. Zakona iza riječi: „tačke b) člana 46. ovog zakona“ dodaju se riječi: „ali moraju ispunjavati uslov da ih nije optužio Međunarodni krivični tribunal za bivšu Jugoslaviju i da se nisu odbili pojaviti pred Tribunalom“.

DIO DRUGI – PRIJELAZNE I ZAVRŠNE ODREDBE

Član 38.

(Započeti postupci)

Svi postupci započeti prije stupanja na snagu ovog Zakona, okončat će se u skladu s odredbama zakona prema kojima su započeti.

Član 39.

(Policijski službenici koji su stekli čin)

Policijski službenici kojima su pravosnažnim odlukama dodijeljeni činovi u skladu sa Zakonom o policijskim službenicima Srednjobosanskog kantona i drugim propisima koji su bili na snazi prije stupanja na snagu ovog Zakona o izmjenama i dopunama Zakona o policijskim službenicima Srednjobosanskog kantona, zadržavaju dodijeljene činove.

Član 40.

(Stupanje na snagu)

Ovaj Zakon stupa na snagu narednog dana od dana objavljivanja u „Službenim novinama Srednjobosanskog kantona“.

Broj: 01-02-579/24 PREDSEDavajući SKUPŠTINE
4. juna 2024.
Travnik Dražen Matišić, s. r.